

Prijedlog Zakona o izmjenama i dopunama Zakona o porezu na dodatnu vrijednost

Član 1.

Iza člana 24. dodaje se tekst člana 24.a) u kojem se definišu proizvodi i usluge koje se oslobađaju od plaćanja PDV-a, radi zaštite od socijalne ugroženosti i radi stimulisanja segmenata od šireg društvenog interesa i koji glasi:

"Član 24.a) Proizvodi i usluge od šireg društvenog interesa

Slijedeće se oslobađa od plaćanja PDV-a:"

Član 2.

U članu 24.a) dodaje se tačka 1 koja glasi:

"1. sve vrste kruha"

Član 3.

U članu 24.a) dodaje se tačka 2. koja glasi:

"2. sve vrste mlijeka (kravlje, ovčje, kozje) koje se stavlja u promet pod istim nazivom u tekućem stanju, svježe, pasteurizirano, homogenizirano i kondenzirano, maslaca i ostalih mliječnih proizvoda, mlijeka za bebe uključujući dječju hranu za dojenčad izrađenu od mlijeka, te mlijeka u prahu"

Član 4.

U članu 24.a) dodaje se tačka 3. koja glasi:

"3. sve vrste jestivog ulja (od suncokreta, soje, masline, kukuruznih klica i drugih ulja koja služe za ljudsku prehranu i margarina, osim drugih prerađevina od ulja);"

Član 5.

U članu 24.a) dodaje se tačka 4. koja glasi:

"4. jestive masti- životinjske i biljne, koje služe za ljudsku prehranu, kao što su: topljena i prešana mast, topljeni loj i maslo i biljno maslo;"

Član 6.

U članu 24.a) dodaje se tačka 5. koja glasi:

"5. lijekovi i pomoćna lijekovita sredstva i zdravstvena pomagala koji se stavljaju u promet u skladu sa propisima o njihovom stavljanju u promet;"

Član 7.

U članu 24.a) dodaje se tačka 6. koja glasi:

"6. stočna hrana bez koncentrata;"

Član 8.

U članu 24.a) dodaje se tačka 7. koja glasi:

"7. učila uključujući i informacione i komunikacione tehnologije za predškolsko, osnovno, srednje, više i visoko obrazovanje."

Član 9.

U članu 24.a) dodaje se tačka 8. koja glasi:

"8. usluge štampanja i izdavanja knjiga, brošura, časopisa i publikacija stručnog, naučnog, umjetničkog, kulturnog i obrazovnog karaktera "

Član 10.

U članu 24.a) dodaje se tačka 9. koja glasi:

"9. dnevne i nedjeljne novine i službena glasila (izuzev publikacija pornografskog karaktera)."

Član 11.

U članu 24.a) dodaje se tačka 10. koja glasi:

"10. papir za štampanje i izdavanje publikacija iz člana 24.a) tačka 8. i 9."

Član 12.

Ovaj Zakon stupa na snagu danom objave u Službenom glasniku BiH i od toga dana će se primjenjivati.